

# Lingua prusiana antiga

Na Galipedia, a Wikipedia en galego.

O **prusiano antigo** é unha lingua báltica extinta, falada polos habitantes da zona que posteriormente se chamou Prusia Oriental (hoxe repartida entre Polonia, Lituania e a rexión rusa de Kaliningrado) antes das colonizacións alemá e polaca do século XIII. Despois desta colonización, empezouse a falar un dialecto xermánico do Baixo Alemán Oriental chamado tamén prusiano polo que é conveniente non confundilos. Na rexión lituana de Klaipėdā existe un grupo de persoas que intenta revivir unha versión reconstruída deste idioma báltico.

## Índice

### Características

#### Véxase tamén

Outros artigos

Ligazóns externas

## Características

O prusiano antigo está estreitamente emparentado coas outras linguas bálticas extintas, o galindiano (falado antigamente no territorio do sur) e o sudoviano (ao leste). A súa relación é máis afastada coas linguas bálticas orientais, aínda vivas, o lituano e máis aínda co letón.

Os Aesti, mencionados por Tácito na súa *Germania*, poderían ter sido un pobo falante de prusiano antigo. Segundo os describe Tácito, eran un pobo como os demais suevos (un grupo de pobos xermánicos) pero cun idioma máis "británico" (celta).

Durante a Reforma e despois dela, grupos de persoas de Polonia, Lituania, Francia e Austria atoparon refuxio en Prusia. Estes novos inmigrantes provocaron un lento declive no uso do antigo prusiano, xa que os prusianos comezaron a adoptar os idiomas dos recentemente chegados. O prusiano antigo probabelmente deixou de ser falado arredor do final do século XVII coa gran praga.

Dáselle o nome de "prusiano antigo" para evitar a confusión co adxectivo "prusiano", que se relaciona co posterior estado alemán. O nome do país en prusiano antigo, sen ser latinizado, foi Prusa; isto pode usarse para reconstruír o idioma a partir do estado posterior. O prusiano antigo empezou a escribirse no século XIV, e del sobrevive moi pouca literatura.

### Prusiano antigo

Falado en: Prusia  
Total de falantes: comezos do século XVIII

Familia: Indoeuropea  
Bálticas  
Occidental  
**Prusiano antigo**

#### Códigos de lingua

ISO 639-1: --  
ISO 639-2: ---  
ISO 639-3: prg (<http://www.sil.org/iso639-3/documentation.asp?id=prg>)



## Véxase tamén

---

### Outros artigos

- Linguas bálticas



Vexa a proba da Wikipedia en ***Lingua prusiana antiga*** (<https://incubator.wikimedia.org/wiki/Wp/prg>)

### Ligazóns externas

- Frederik Kortlandt: Electronic text editions (<http://www.kortlandt.nl/editions/>) *(en inglés)* — contén transcricións de textos en prusiano antigo
- Reconstrución do prusiano antigo (<http://donelaitis.vdu.lt/prussian/reconstructions.htm>) *(en inglés)*

---

*Este artigo sobre lingüística é, polo de agora, só un bosquexo. Traballa nel ([https://gl.wikipedia.org/w/index.php?title=Lingua\\_prusiana\\_antiga&action=edit](https://gl.wikipedia.org/w/index.php?title=Lingua_prusiana_antiga&action=edit)) para axudar a contribuír a que a Galipedia mellore e medre.*

*Existen igualmente outros artigos relacionados con este tema nos que tamén podes contribuír.*

---

Traído desde "[https://gl.wikipedia.org/w/index.php?title=Lingua\\_prusiana\\_antiga&oldid=5454318](https://gl.wikipedia.org/w/index.php?title=Lingua_prusiana_antiga&oldid=5454318)"

---

**A última edición desta páxina foi o 10 de maio de 2020 ás 19:20.**

Todo o texto está dispoñible baixo a licenza Creative Commons recoñecemento compartir igual 3.0; pódense aplicar termos adicionais. Consulte os termos de uso para obter máis información.

Wikipedia® é unha marca rexistrada da Wikimedia Foundation, Inc., unha organización sen fins lucrativos.